

սեհ, գտանել նիզակ, եւ դարձի՛ր ե՛կ արագ. քանզի ոչ երբեք կարեմք գտանել ժամ սքանչելի¹ այսպիսի վաճառու, ուր մահ զանմահութիւն եւ առժամանակեայս զյաւիտենականն եւ ապականացուս զանապականելի կեանսն. վաղվաղեա՛, քանզի չեմք կալոց անմահք. գուցէ վրիպեալ յանուանի եւ ի փառաւորեալ կատարմանէս՝ անանուն եւ անպիտան մահուամբ ելանիցեմք ի կենցաղոյս»։ 7 Եւ զայս լուր ի սրբոյ առնէն Վասակայ Մամիկոնենէ՝ հաւաստի երդմամբ պատմէր մեզ բազում անգամ ինքն տէրն Շիրակայ Ներսէի Կամսարականն։

8 Եւ մինչդեռ զաւրավարն Զայոց Մամիկոնեանն Վահան այսպէս մրցեր հանդերձ երանելի եղբարքն Վասակաւ եւ երկոքումբ² որդւովքն Կամսարականին Արշաւարայ՝ յանկարծակի փախուցեալք առ հասարակ սրանային գունդքն ամենայն Զայոց եւ Վրաց. որոց բազումք ի նենգաւորացն աղաղակէին առ միմեանս անհանգիստ, թէ «Փախեան Զայք, անձնապուրք լերուք»։ 9 Եւ վասն զի ոչ ըստ փութոյ եւ յորդոր խնդրոյ շնորհիւ³ ի ժամուն վիճակ մարտիրոսութեան ի վերին զուգակշռող աջոյ ամենագիտին, ըստ ծածուկ եւ անքնին⁴ իւրոյ կանխատեսութեանն՝ քաջի զաւրավարին Զայոց Վահանայ Մամիկոնէի եւ այլոց ընդ նմա ուխտապահ ընկերացն, որ ախորժելով տենչէին⁵ բաժակի մարտիրոսութեանն, եւ չգտան արժանիք, դարձուցեալ այնուհետեւ զերասականս երիվարացն՝ գնային եւ նոքա զհետ փախստէիցն Զայոց։ 10 Եւ զաւրավարին Զայոց Վահանայ Մամիկոնէի եկեալ պատահէր Բաբգենայ Սիւնւոյ, անկելոյ ի զաւրացն Պարսից կարեվէր. զոր հեծուցեալ ի վերայ իւրոյ նժուզի եւ հանեալ ի պատերազմէն ապրեցուցանէր։ 11 Բայց որք ընտրութեանն ցանկացողք եղէն եւ արժանիք ընդ սրբոյ ասպետի Սահակայ եւ ընդ սրբոյ քաջին Վասակայ Մամիկոնենի, եւ կատարեցան յաւուրն՝ եւ անուանքն են այսոքիկ...⁶

12 Իսկ զաւրքն ամենայն Զայոց, ընդ որս եւ անպիտան զաւրքն Վրաց, հանդերձ թագաւորան իւրեանց Վախթանգաւ, վատնեալք ցրուէին. զորոց⁷ զկնի հետամուտ եղեալ գունդքն Պարսից՝ զբազումս կոտորէին, եւ բազումք յայլ եւ այլ տեղիս զերծեալ ապրէին։

1 2. գսքանչելի

2 2. երկոքումբ

3 2. նախ՝ շնորհիւ, ապա քերած եւ ուղղած՝ շնորհիւր. SS. շնորհիւր

4 Ատ. անքնին

5 Բտ. տենչին. Գտ. տենչային

6 «Ոչ միայն անուանքն պակասին, այլ եւ դէպք մահու Սահակայ ասպետի եւ նորին իսկ Վասակայ մամիկոնենի» (ծնթ. ԲԳտ.)

7 2. զորոյ